



KOMITETI KOMBËTAR I DIGAVE TË MËDHA

Mr. 17 datë 9. 10. 2020

AKADEMIA E SHKENCAVE E SHQIPËRISË

Prot. 544  
Dt. 09.10.2020

## MARRËVESHJE BASHKËPUNIMI

MIDIS

AKADEMISË SË SHKENCAVE TË SHQIPËRISË

DHE

KOMITETIT KOMBËTAR TË DIGAVE TË MËDHA

Neni 1

Përcaktimi i Palëve

Palët në këtë Marrëveshje janë:

1. Akademia e Shkencave e Shqipërisë (ASHSH), me qendër në Tiranë, sheshi *Fan Noli*, e përfaqësuar nga akad. Skënder Gjinushi, Kryetar;
2. Komiteti Kombëtar i Digave të Mëdha (KKDM), me qendër në Tiranë rruga *Abdi Toptani*, nr. 1, i përfaqësuar nga ing. Arjan Jovani, Kryetar.

Neni 2

Qëllimi

Kjo Marrëveshje ka për qëllim rregullimin e bashkëpunimit ndërinstitucional midis Palëve, si dhe përcaktimin e prioriteteve

themelore të këtij bashkëpunimi, mbështetur në legjislacionin në fuqi, në parime të gjithëpranuara dhe në interesa të përbashkëta.

Marrëveshja synon ruajtjen dhe zhvillimin e traditave më të suksesshme të bashkëpunimit të deritashëm midis dy Palëve.

**Neni 3**  
**Parime bazë**

Parime themelore rregulluese për bashkëpunimin e Palëve janë *autonomia institucionale, interes i respekti i ndërsjelltë*.

**Neni 4**  
**Drejtimet kryesore të bashkëpunimit**

Drejtimet kryesore të bashkëpunimit të Palëve janë:

1. Për hartimin e propozimin për miratim të akteve rregulluese për standardet teknike dhe ligjore të domosdoshme për projektimin, monitorimin, shfrytëzimin dhe rritjen e jetëgjatësisë së digave të mëdha e të vogla të vendit, *në përputhje me standardet bashkëkohore europiane e ato të miratuara nga Komiteti Ndërkombëtar për Digat e Mëdha*;
2. Për organizimin e veprimtarive të përbashkëta shkencore: konferenca, forume, konsultime etj., për çështje të digave e të lidhura me to; për nderimin, vlerësimin dhe evokimin e meritave të figurave të shquara akademike dhe inxhinierike në fushën e projektimit dhe ndërtimit të digave, posaçërisht të hidroenergjetikës; si dhe për bërjen të njojur të rëndësisë shkencore dhe ekonomike të veprave të mëdha ujore të sistemit unik energjetik dhe të atyre të bujqësisë;
3. Për vendosjen e një bashkëpunimi afatgjatë e të institucionalizuar midis Akademisë së të Rinjve dhe Forumit të Inxhinierëve të Rinj të Digave, që funksionon pranë KKDM; duke përfshirë të drejtën e propozimit për anëtarësime të ndërsjelltta mbi bazën e meritës dhe perspektivës;
4. Për krijimin e skuadrave dhe sinergjive intelektuale për të ndikuar në mirëqeverisje për çështje me karakter strategjik, si: aktivizimi i burimeve natyrore përpjesëtimisht me mbrojtjen e ekosistemeve; ndryshimet në hidrologjinë e rajoneve ku janë ndërtuar diga të reja; kryerja e përgjegjësive që rrjedhin prej

*marrëveshjeve të trashëguara ndërnujore dhe ndërkufitare me vendet fqinje (Greqia, Mali i Zi, Kosova, Maqedonia e Veriut); nismat për regjistrimin e trashëgimive natyrore dhe atyre të krijuara nga dora e njeriut në listat e kryeveprave në ruajtje nga UNESCO.*

5. Palët bashkëpunojnë për krijimin e një inventari shterrues për digat e Shqipërisë që shfrytëzohen për furnizim me ujë të pijshëm, për ujitje të tokave dhe për qëllime hidroenergetike; për gjendjen e tyre teknike, për problemet dhe perspektivën.

#### Neni 5 Detyrime të ndërsjellëta

1. Akademia e Shkencave mirëpret pjesëmarrjen e anëtarëve të propozuar nga KKDM në komisionet e posaçme të ngritur pranë saj; si edhe fton KKDM të marrë pjesë me përfaqësues të saj në organizma vendimmarrës, si këshilli i botimeve, konkurset për çmimet e mëdha vjetore kombëtare e ndërkombëtare, në formën e ekspertizës, recensimit dhe pjesëmarrjes në juri.
2. Me kërkesë të KKDM Akademia e Shkencave jep kontribut, sipas mundësive të saj, edhe për një bashkëpunim të fryshtshëm me Komisionin Ndërkombëtar të Digave të Mëdha (ICOLD).
3. KKDM mirëpret bashkëpunimin me grupet e ekspertëve dhe komisionet e posaçme që funksionojnë pranë Akademisë së Shkencave në fushën e inxhinierisë, të ndërtimit dhe të sismologjisë dhe me kërkesën e tyre merr pjesë në veprimtaritë përkatëse.

#### Neni 6 Shkëmbimi i botimeve dhe i informacionit

*Palët i sigurojnë njëra-tjetrës shkëmbimin e ndërsjellë dhe të pakushtëzuar të informacionit shkencor që ruhet në arkivat e tyre; të periodikëve që batojnë, të studimeve dhe monografive. ASHSH i dhuron pa shpërbirim koleksione të botimeve të saj bibliotekës së KKDM.*

*Palët inkurajojnë krijimin e bibliotekave dhe arkivave të numerizuar.*

**Neni 7**  
**Protokollet e bashkëpunimit**

Me vullnetin e Palëve kësaj Marrëveshjeje i bashkëlidhen protokolle bashkëpunimi me afate realizimi që përcaktohen me diskutim mes tyre. Protokolle mund të nënshkruhen dhe për një veprimtari të vetme.

**Neni 8**  
**Zgjidhja e mosmarrëveshjeve**

Kjo Marrëveshje është çështje dypalëshe. Për paqartësitë dhe ankesat e mundshme Palët nuk kërkojnë apelim në ndonjë instancë tjetër. Mosmarrëveshjet midis Palëve zgjidhen me bisedime.

Në rast të mosarritjes së dakordësisë për një periudhë dyvjeçare për çështje të diskutueshme, kjo Marrëveshje e humbet fuqinë.

**Neni 9**  
**Të fundme**

Kjo Marrëveshje nënshkruhet në dy kopje, të dyja në gjuhën shqipe, një për secilën Palë, me vlerë të barabartë.

Për:

**Komiteten Kombëtar  
të Digave të Mëdha**

Ing. Arjan Jovani, Kryetar



**Akademinë e Shkencave të  
Shqipërisë**

Akad. Skënder Gjinushi, Kryetar

